





番禺仲公李先生文集卷之六

五言律詩

挽劉千戶母萬氏太夫人

貴作將軍母賢知孔氏書事尊聞有禮就養喜多娛  
遽沐原生擲深孤潘令輿想應秋月夜騎鳳戲東湖

挽張繼道三首

此老忽不起淒其箬嶺雲田廬今益大詩礼昔多聞  
宰木宜無憾庭蘭賸有董碑銘千古事况得翰林文  
同邑未及識居然挽有詩天乎碩族望人或慮年飢  
愛子書連架留賓酒滿卮秋風軒外竹惟見綠依依





池上好樓閣人今去不回荷風吹淨几竹月照殘盃  
親睦無慚色網維有達材高堂元日會 飲幾興衰

送熊仲瑾之東川山長

葛水多材後東川得範模雖疑官太冷所幸已非癯  
夜月青山句春風采石壺平生多古意因子不能無

送徐典史歸四明二首

細雨堂前酒初梅雪後吟誰云新識面已是舊知心  
舟：蓮花模青：桂子林簾瓢千古意臨別一何深

又

斗邑方三載歸帆忽四明才華宜用世按牘豈勞形

蒲水江魚出槐風疊燕輕舊遊應有念還復到林垌

別朱廣文

相識雖不早相逢真偶然誰知此客妙信有主翁賢  
燈火三餘事交游十愛篇秋風染紅樹為我送歸船

寄易可大

別去情無奈歸來又若違爰涼非異搯頭晦莫同机  
水盡魚龍遠庭荒燕雀稀花飛憐不住忍獨送春歸

次友人韵二首

擾擾兵戎際垂垂老大時英豪宜有出迂腐豈堪推  
文子徒多計龐公盍早期何由漢殿裏重產九莖芝



見說蘄州寇官軍久已收壯夫仍厄虎隱士莫盟鷗  
且共津津喜毋為咄咄愁望鄉雖有眼筋力倦登樓

再次前韻 二首

蠢々繫群盜胡為亂如此國恩方廣被天運更難推  
避俗思元亮知音賴子期統戎渾漢節續食况商芝  
白水秧袂揀黃梅雨亦收賊巢渾似蟻客意豈如鷗  
會欽成孤樂閒吟撥浪愁倚欄秋待月處是南樓

元博惠名筆佳楮再次前韻以謝 二首

慨尔山中客聊為脫穎時干戈雖莫与文翰必相推  
村落終難用蓬瀛合有期可憐塵甑釜蒸煮紫靈芝

刻玉三年楮茅堂一日收秋雲有過鴈春浪可浮鷗  
塗抹吾誰許番張女自愁只宜揮翰手乘月上南樓

餞信州路買住總管

閒起陰山遠藩開信水長樂珠元落落匣劍更堂堂  
屬馬車邊集文鳶筆底翔窮閣歌潤澤豪室避光芒  
齋閣儀容簡衣冠薦遇香橋成虹跨海教下錦垂檣  
久借空懷冠先徵必在黃遂令鄰邑士感激亦成章

輓祝錦江

翰苑思前輩鄉邦失達尊風流於此盡墜緒向誰論



建學成多士傳經裕後昆毫端秋洒洒語次玉温温  
 井没留人轄墻眠問字樽一麾閑塞遠三徑菊松存  
 濯錦清江曲尋詩老石根蘭蕙香滿砌槐柳綠盈門  
 正想名言立何知大化渾雲隨丹旆發雪助車素屯  
 引緋寒宜執傷肱痛更捫佳山稱塵相南望幾消魂

輓軒竹亭

家得傳經士人稱用世才高情方翫竹清夢忽綠槐  
 慷慨陳公轄芳芬謝氏堦昌灣高塚在愁見白雲堆  
 近詩五首其一美前丞相脫脫公次則秦運  
 使裕之次則汪司業叔致次吳博士正傳次

寄潯州祝經歷蕃遠

丞相年方壯高情照世間堂先玉筍懇別金鸞  
 慶紀垂專美鷄鳴習大間聰明既如此愚守不應難

又

國用錢糧大于今法最嚴常征猶有橫盡瘁戶宜添  
 皇上真齊聖三公足具瞻喜聞秦運使奏減漕西鹽

又

見說汪司業居官極至誠孰云今世事無復古人情  
 東魯民何愛吳門自傾幾時得相見滿意話平生

又

樂教由先古真為治忽機彬彬九德用亶々八音依  
又

渺渺清濤水相 已再暮存心皆去魯同氣豈居夷  
事跡雖多舛襟期可忽疑情文不相稱叙語似前知  
哭直清五首

為政心常切詳刑位尚卑瘴鄉非善攝辨口復頻移  
白雁秋雲潤青燈夜雨疑月斜窓下夢已遣故人知

其二

比得梅州信平安喜有餘寔人雖在訟夏勝乃傳書  
既領鄉親酒兼逢使者車只期青草上帆取北風初

其三

蠻獠時生變朝廷數用兵豈由皆悍驚亦出少庶平  
海畔猶橫槩閩中始解營軒車滿道路應有痛閨情

其四

力量雖難及精神少似渾享生固有數得禍豈無門  
人笑謀生拙吾嗟取義尊他鄉誰共語應是汨羅魂

其五

二昆并內氏變故亦連年事本難推度天宜少後先  
飲歡方暮景相見忽重泉何必昂山下東風屢泣然

館中呈山後諸兄弟



半月不見面經旬繞一書向來遠則已今此近成踈  
越分祇為吳濡身不顧餘鄉閩已如此吾計欲江湖

挽人

雜佩艱難日孤惟教育秋珍鮭宜永養仙鳳忽長遊  
星斗明瓊劍松蘿護一丘晉原當不憾楚些謾多憂

次汪簿秋日見寄

隔水秋雲薄連山夕照荒去鷗分遠色來雁帶初涼  
風物何常異人生亦自忙因懷吾友問醫俗若為方

寄傅有中

風雨黃花後殷勤有報書近聞多老病今此復何如

逐物元非得知天即自餘平生陶處士吾亦愛吾廬

餞貴溪鎬丞

自得閑處士因知劉縣丞功名頭未白賓客眼嘗青  
溪水三年似天風萬里應鄰邦兼未識無計祖長亭

送王季寶歸江西

露白村村曉霜紅葉葉飛愁邊仍歲晚客裏又人歸  
未別情無奈臨分語又復遺徃來黃子敬莫惜寄新

詩

和舒四玩月

跡有殊方阻心將翫月同山河千古外形影百年中



稍稍高興發寥寥夜氣空不應長作客愁絕杜陵翁  
郊迓汪簿理畝歸 汪以詩謝用次其韻

意得何嘗別相疎或在頻久無當道者下接屢空人  
郭暖梅花近行遲野意真却非河陽令望拜馬頭塵  
次韻陳存翁

道義相知久塵埃一見難劇談真有素小市竟無觀  
拂袖君何急褰裳我未闌早知初度日寧畏酒壺寬  
次張伯遠韻

虛心萬物表真意何能逃樹暗禽聲盡山明霽色牢  
黃花秋露偃紅見夕陽高不有張伯遠清樽孰與陶

早起

短髮梳殘月輕裳試曉風無言渾似道多病欲成翁  
竹簡聊千載慕羨亦萬鍾昂昂非自異瑣瑣得無同

別黃俊昭

歸矣黃夫子清愁葉葉風深知疑我獨無補與人同  
天地年年老江河日日東相思有新語并寄鯉魚中  
贈胡大使 黃河滄洲人

久客徒催老微名不救窮尋詩亦及我好事情豈非公  
勲業遊天北家鄉望海東重逢知幾日小酌晚林中  
輓徐東臯

竒度聞州里宗親失棟梁逢辰家益大好施澤宜長  
予已監公廐孫方宦 帝鄉九泉知瞑目光顯未  
渠央

輓邵菊存

遠矣詩書齋居然山澤臞探玄雖有所涉世儘多娛  
池上亭空在園中趣竟殊明朝謝原路楓葉雨餘蘇  
贈吳景溪赴汾水縣儒學教諭

頗聞汾水縣獨在萬山中氏俗宜無雜師儒易有功  
况逢賢札裔共揖釣陵風早晚錢唐便來分首藉供  
送曾時中

漢相崇清淨雲仍尚尔賢高標雖未識佳句已多傳  
里下行歌薤臺邊舊泛蓮徒令株守者目斷去帆烟

番易仲公李先生文集卷之六



番易仲公李先生文集卷之七

五言絕句

周伯清秋江晒網圖

晒網夕陽斜携壺入荻花平生誤識字恨不作漁家  
題方壺為鍾伯鏞作青山白雲圖

老硯磨不了年年只故吾羞將白髮眼看此山雲圖  
穎川釣圖卷子為鍾伯鏞題

我耕芝山下女釣穎水上倘得吞舟鱗還能一相餉  
題傅氏春山卷後

吾是山中人山中滋味長一朝披畫圖又覺笋蕨香

題鍾氏筠趣軒

微風為吾曉碎月為吾夕不覺此身心蕭蕭九秋碧  
題蔡敬所素安臥雪圖

大雪深三尺高眠正自奇無端叩門者遂使世人知  
題草蟲圖

西風到籬落客意方悠悠不知是何人復寫一幅秋  
題龍圖

神在雲霧中形在雲霧外變德莫如龍用顯不用晦  
題梅雪圖

道人心本閒亦畏六月熱赤汗不自揮開牕見梅雪

偶成

散壁晴光動侵階樹影涼吟餘聊倚枕幽意一何長

贈夏楚材號松石

我愛松邊石松堅石不移四時同一色霜雪不能欺

懷友

美人不可見煙雨一登樓隔岸誰家竹娟娟不解愁

番禺仲公李先生文集卷之七



番易仲公李先生文集卷之八

七言絕句

壽余仲元三首

羨子雙親貌尚童  
聯班兄弟盡雍雍  
縱然不飲終當醉  
此樂人間亦罕逢

自昭明處即無違  
學往皆行古所稀  
遙想去年逢此日  
南闌望盡白雲飛

黃花紅葉照庭臯  
應獻仙家海上桃  
欲報故知無限事  
且將歡笑溷劬勞

贈王真人二首



蘇履文集 卷八 一經金堂重錄  
曾扣仙關鶴未迴黃花于此得追陪海波尚許他年  
渡直望三山紫氣來

下界塵埃一洗空眼明瓊樹立秋風人生豈必長相  
聚月下溪邊即此翁

贈臨川饒李理赴廣州蒙古學正三首

過江已病語音殊鴉舌難聞况海隅堯舜君民今日  
是且回和氣入都俞

高冠魯服古人通矧此書文四海同自是俗情安近  
習茫茫蚪斗孔堂中

海魚如屋酒如河翠箔紅欄護綺羅珍重饒郎千里

去少年曾聽廣州歌

謝徐文仲

萬里收書出夜郎過家因復到茅堂象牙搔背白塵  
尾消得深山夏日長

送張茂悅從師河南

明經待用千古事負篋求師萬里心想見洋洋河水  
上春風玉樹奮成林

題來清堂

堂前池水甚清漣為有原頭一道泉莫訝主人賢若  
此書詩簪笏已多年

寄題聚庵

古來心事後來身  
衣錦懸鶉孰喜嗔  
不在中間并外  
外煩君更叩聚庵人

贈邁禹弼歸湖南

荒山寒葉自青紅  
茅屋更深語笑同  
何事鶯遷幽谷底  
底抵綠鳳在棘叢中

贈艾兄入京省親

子今萬里訪庭闈  
霜葉紅黃處處飛  
到得京城春恰暮  
旌旗影下老萊衣

贈禹弼

相思不見最愁予  
奈此村醪儘可沽  
安得片帆風色順  
一時飛過洞庭湖

題姜氏菊徑畫像

滿山秋葉欲青紅  
地下籬邊細菊叢  
華髮蕭蕭千古意  
相逢忽在畫圖中

送顯上人歸集慶

金盤山上顯首坐  
屢說秦淮海印空  
安得相逢一茶語  
塵埃無限馬牛風

送曹元善歸河南

歸帆千里蓼花風  
究竟遺經得所從  
慎守囊中萬金



術江河深處有蛟龍

贈陳氏桂亭

香根元是月中移  
白露秋風蕊蕊披  
于此作亭清已甚  
玉堂學士又題詩

送盛上人二首

六親慈愛業相離  
白水青山少壯時  
若不真參求了達  
一生辛苦竟何為  
西域傳經白馬駝  
後人無奈葛藤何  
直須參透看自己  
佛法元來甚不多

寄弋陽宣差二首

病癯使我久不出  
運漕知公遠欲還  
只隔青山十里許  
黃花同醉一尊難  
荆人嘗遺白拂子  
閑客復致青絲鞋  
宜此長官葛水上  
槐陰滿坐草侵階

送白周楨見杜清碧

之子幽尋鬢未頽  
蒼藤碧蘚慣躋扳  
武夷流水有九曲  
盡在先生氣宇間

題竹溪西岩書院

有序

余嘗欲遊武夷道  
盱水登麻姑入麻原  
而後去今聞又有西  
巖焉岩中主人必能  
為吾半日留



也先賦一絕

武夷秋水曲三三雲際麻姑萬檜杉  
早旭路逢谿畔竹定先傾蓋宿西岩

題寒青亭 有序

余結庵竹莊上率平阜淺流唯南望山有連山如樓臺簾幃之在百里外臨川之雲林也天色清徹時嘗倚杖面之不能已嘆曰彼生居是間者其樂當何如也他日蔣君自述其寒青亭者傳以示余予欣然賦一絕寄之時五月二十又二日也

簷頭鳥影按頭蠅鶴鳴溝渠漸  
腥想見高人延客罷披衣岸幘坐寒青

題拙庵卷子

紛紛大巧乃或拙大拙偏宜作巧看  
我是山中真拙者隨君同向拙中安

題毛氏東圃圖卷子

園池只在屋頭東古木環庵事事幽  
哀病自慚無半語畫圖空作二年留

挽吳雲峯二首

高竹娟娟雨滿門解衣吹火接清論  
早知今日成長

往更典春衣倒一樽  
吟衫不肯謾婆婆孤負衢人意氣多若使偶然成一  
往江山千里奈君何

題存存齋

此心如客已經年南北東西是處緣想見高人春睡  
起落花風靜正綿綿

題危易樂詩卷

仙人大上九門關俗士無因離草萊見說嶺南新有  
集百金為購入山來

贈吳伯宜游京併呈吳閑閑

仙人坐閱淺清水行構江邊擬剡亭詩律方今老成  
甚杖藜應許數來聽

臨終寄高元博

人在何方詩不至詩今重至倍生憂干將定是龍持  
去徒學遇人更刻舟

讀書燈

檠短高低近小臺燈花如粟夜深開聖賢事業雖千  
載盡向光明照得來

題趙斯立太玄手卷

數間茅屋老松根茶罷銅爐一炷烟自笑塵埃久窄



落幾時來與子同玄

次高元博二首

未終前三日作

分將華髮守林丘，奈此無端種種憂。縱使能持三尺劍，何如早泛五湖舟。

南柯信夢非真樂，祀國勞心亦妄憂。樂從今兩忘，却碧波青草一虛舟。

追舊四首

三山縹緲解招人，玉樹瓊臺百不貧。有口猶懷太白飲，無心更逐軟紅塵。

雲開閭闔召斯人，錦綉心腸豈是貧。今喜一樓皆白

玉霄看九地盡黃塵

自是瀛洲第一人，玉漿麟脯幾曾貧。想今尚秉千金帚，欲掃蓬萊海底塵。

空谷何由滯此人，束書萬里豈憂貧。秋清車駕滌河上，匹馬嘶風在後塵。

中秋留古象山寄贈天谷菴何高士

獨坐山頭夜氣沉，滿山松桂綠森森。不知天谷菴何處，已見清秋老月心。

贈賣楮士

門前柿葉未堪書，牕外芭蕉雨後疎。正恨新詩沒題

處故人携紙過庭除

題吳氏濟生藥寮

有無相易因為宜藥遇貧窮合施之倘使衆生皆得  
濟世間何利博於斯

夢祝直清

斜牕半夜月娟娟宿火添香獨自眠忽夢潯州祝經  
歷滿頭如雪坐空船

贈李蕙善

四山草樹白皚皚布被蒙頭戶不開知子平生最高  
誼稜層為我踏冰來

贈人

沒馬塵埃白晝馳人生得似此翁稀西風墻竹疎  
雨短帽長髯百衲衣

贈江醫士二首

昔人高貴餘尊足顧我何由慊此心多藉深山老  
舍遣兒囊藥遠來尋

聞說仙山鄧副官也曾賣藥到壺中想今鍊得身如  
鶴不是乘雲便禦風

送伯恭入都

鐵券金書右所聞縉紳宜有好兒孫明年桃李花開



際白簡青衫拜五門

贈唐相士

揚梅盧橘雨初晴一客西來眼獨明何意重開科目  
詔請從林下辨公卿

贈端和尚一首

誰云大易妙難尋只在相逢盡此心想得上人歸去  
後秋風窻几竹深

寄趙舜咨三首

宗人年少遠遊宜客死烟荒絕可悲若使孤魂猶附  
骨歡然忽在錦江湄

官船載柩穩且任上灘下灘江淺深朝廷忠孝每如  
此不負從來孝子心  
藥分西嶺千年雪寫剪南山兩朵雲給此空山老病  
者有誰情誼更如君

題曾氏詠沂齋

籬根蝴蝶草萋萋簷外桐花燕子飛與客焚香煮茗  
罷更須沂上詠而歸

題何氏西堂

傅氏何氏非

見說山翁九十餘繞堂松竹伴扶踈到今兩眼明如  
月讀盡秋窓袖字書

題半雲樓

世間擾擾萬事仇，只為塵埃沒馬頭。頗怪上人心似水，祇緣身在半雲樓。

贈周伯岐

周伯岐冰雪中，相過適余婚姻之事不及與之。清談敬賦二絕為別。

青青麻子黃菜花，禁得春雪三尺加。自歎農圃有多苦，欲學神仙長嘔霞。

男婚女嫁古今同，賣羊沽酒走僕僮。仙客脩：忽相過，舉盃微笑白頭翁。

戲吳伯昂

伯昂相過據云乃草廬先生之孫，顧連月齒痛甚，戲作一絕謾發一笑耳。

覓之了不得，一句有時不覓還。自來今古文章每如此，菜心竹筍且銜杯。

謝方壺惠墨竹

仙人特寫一竿竹，寄此山中幽且獨。昨宵風雨不曾過，似聽秋牕風簌簌。

孤松圖為德星堂作

枝撐九霄根破石，豈謂冰雪愁窮冬。客來莫作畫圖



看堂上有人如此松

題華蓋層雲圖

曩年杖屨及雲端茅粟盈山八月寒老脚久酸應不  
再只從仙客借圖看

題萬氏雙桂堂

月光如水露華濃金粟爭開秀葉中知有古香千萬  
斛西風分過大江東

送曹梅林

親能待祿皆由孝家只如此信是廉此去梅林却黃  
熟一天風雨釀酸甜

過楊原堂

路入禪關二里餘怒泉老石倍縈迂山僧留飯不肯  
住為劖雲間玉一枝

春颿

能舉人間萬斛舟中流何用櫓聲柔揚花兩岸東風  
軟送盡斜陽更未收

贈董鍊師

午枕初醒一篆香倚雲樓閣笑聲長神仙只在人間  
世航海梯山總渺茫

寄鑿上人

曉日東湖塔影斜長廊行盡拾秋花早知今日成詩  
句挫過雲頭一盞茶

贈絕照長老畫龍

祝融峯下三年住萬斛海風一口吞故能噓揮作神  
物懸之高堂白晝昏

絕句

半堤楊柳欲藏鴉一道青溪且見沙獨自意行窮野  
碧偶隨幽逕入人家

畫梅

明窓磅礴寥以闕玄間清氣歸毫端老夫七日不見

我掃出一枝生古寒

梅影

池邊壁上紗牕外時見玲瓏玉一枝只有清泉并素  
月古今真是畫梅師

孤梅

冰霜巖巖心自春杏蕊華華非爾群生前不識習鑿  
齒身後豈無楊子雲

落梅

更開殘酌不成歡一片多情拂袖乾想見孤城吹畫  
角朔風斜日莫江寒



尋梅

野煙迢迢新岸口落日翳翳荒城隅古今蒼茫興不  
盡忽逢茅屋一躊躇

寄梅

忽憶故人吳養浩閔山萬里赴燕臺梅花一枝有古  
意恨滿東風寄不來

番易仲公李先生文集卷之八

番易仲公李先生文集卷之九

七言絕句

題翁仲昭吳間堂

會稽之山高以蒼海水夜動天茫茫月沉桂樹鴈不  
叫笛聲滿空人意涼

贈相士張月蓬二首

林居一夜梅花發明日逢君意氣多安得少分蓬上  
席共看秋月寫山河

公侯之相世間有堯舜之心天下稀偶與髯翁喫茶  
罷林風吹綠滿人衣

贈汪子仰如抗

杭州美人美且多紅欄翠帷清夜歌杭州繁華不可說汪郎年少能奈何

題石龜渡

昔年龍馬出河上此地石龜生渡頭疏鑿豈無神禹跡撫摩時有老仙遊

贈張一無之京

長廊半夜月露白西樓早秋松挂青學道愛人有苦語竹床相對幾回聽

晚步用唐高蟾韻

茆屋青帘隔晚橋白沙紅樹水迢迢人生到底頭如雪莫管春風消不消

題李伯時九歌圖

龍眠畫入忠臣心筆意欲與江海深老生有句不敢寫荻花蒼茫愁古今

馮紹先自都下回以詩贈之

萬里風霜客亦寒五年醫藥病方安花前杯酒各須盡莫作尋常相見看

題東柯谷圖

乘槎博望到天河銅柱扶桑馬伏波自笑我年今半



百始于圖畫識東柯

題上清道士畫屏

道士生在山水窟清景天然不可模二尺屏間老秋色只宜分傳與我徒

贈余道士歸九宮

林下相逢骨共清黃花紅葉眼為明他年擬欲尋丹灶只恐騎雲上玉京

題吳君陽遠遊卷子

吾聞瞿曇老子說六合之內有四州生來乃在閻浮界遂及此身須徧遊

送僧遊廬山

碧雲堆裏玉潺潺仙佛樓臺縹緲間錫杖遍遊應笑我只從窓下看廬山

贈陳仲德

微雲清露草間花行到方盤日未斜道士庵中成小飲又隨流水過君家

呈原卿蕭翁二表兄

濃露微霜菊正開紅梨紫栗共銜盃雲山百里頭白髮十五年間三度來

題柯高士天樂卷子二首

世間萬累皆有我十二時中喜與嘆說向道人應一  
笑青山情性白雲身

昨日秋風吹鬢頭杖頭閒挂百錢酤山根水曲家家  
去天樂元來一樂無

別玉縣尹本善

豈弟相宜又五年一琴忽載下江船東風無限留人  
意寫在晴沙柳色邊

贈簡上人 合前四首

秋風蕭蕭、秋雨足來為雲房留信宿吟詩作賦百無  
能只與上人同看竹

題蔡氏石精舍

濱湖之上多沮洳精舍高明有石原况說古仙山上  
過至今秋骨玉為痕

餘干奉國寺徵上人構樓竹中其客鄧子方  
為余言曰請扁之扁曰高深高言樓清言竹  
也并賦一絕寄之

頗聞上人最好客早暮新茶雪滿甌應笑我儂老塵  
垢幾時來上竹邊樓

贈程自觀遊龍虎山并東蘭深董鍊師

道人來處是清溪簌簌秋風一鶴飛應遇老仙髯數



尺蘭蓀為屋芟荷衣

贈吳道士游淮

吳君剛介負奇材妙法流傳自兩階  
春夏濕雲秋必燥又携雷雨過長淮

送人遊孔林

平生欲作孔林遊塵土因循老則休  
想見絃歌當日地至今樵樹綠秋秋

謝李克讓寄

寄來竹扇輕如穀多謝前年郭泰差  
林下有時方六月海天風雨滿襟懷

白賁二馬

良材未試相蹄鬻况復沙場首藉秋  
數筆寫來千里意只今惟有白忻州

別倪有定遊京師

忽謾相逢老石邊西風槐樹夕陽蟬  
山長水濶三年別沙白江清萬里船

寄題達上人竹林精舍

澹然無際老禪心精舍偏宜在竹林  
亦有殘書讀未了願隨春晝綠沉沉

導中庸樓二首

雲山繞屋樹侵門書在床頭酒在尊歲晏入城公事  
了一燈窓下教兒孫

坐禪山中圖出世望仙海上求長生何似饒家課奴  
隸夜深機杵晝長耕

有畫明皇貴妃上馬者明皇既上猶顧貴妃  
而妃有欲上不上之意

四海漁陽一鼓聲巫雲峽雨暗旌旂君王依舊頻回  
首得似如今上馬遲

題巡檢李益章雪窓

乾坤一日回大素稱此相如四壁虛莫管夜深寒到

骨且將照盡五車書

戲贈魏學正

東湖湖上舊官庠雪竹蒼蒼月樹長酒後不知雙耳  
熱客情惟有魏淮陽

寄題曹氏翼然亭

見說曾君妙賦詩作亭如此是幽栖倚闌亦有平生  
句留得相逢醉後題

題吳氏古樟亭

赤日行空午后炊君家庭戶綠離離何時借坐秋根  
上坐到高山月出時



賦揚友直總管晚香堂二首

致政堂深一事無燒香煮茗八分書  
珊瑚碧樹滄海底萬斛秋香恐未如

又

羊角峯前華戟寒不堪韋帶布袍寬  
如今歸在東籬下却好携尊與共看

贈相士唐見定之武夷二首

武夷篆華有彩色西江神龜生綠毛  
知子從來負竒趣真攜二羨過吾曹

又

觀花應合走長安觀水宜先海上瀾  
雙眼秋風將萬里不勞林下顧寒酸

荅饒心道所寄五首

想應紫氣滿林隈奈此茅簷眼不開  
空見獅岩道士說雲厨曾作午炊來

其二

竹家庄上又披荆自笑生平百不成  
賴有江西老知已白頭又許抗麟經

其三

權奸近已死龍興閣賊咸誅亦罷兵  
惟聽田間老農

語今年時雨又時晴

其四

廬山山勢頗蜿蜒  
人是人非五十年  
應有為吾開眼者  
豈知遲速尚由天

其五

近來術者過如梭  
誰似張郎誨費多  
自愧吾言真一羽  
高門深戶奈渠何

幻菴于真人擇壽木以詩戲之

神仙合上雲霄去  
一劍徒留白玉棺  
何事尚嫌鳶與蟻  
也求三峽鷓鴣斑

徐生歸自龍興  
既以新曆蟹瓜賦詩謝之

新頒正朔出京華  
何事先來野老家  
擘蟹剖瓜霜乍落  
一樽相約探梅花

題道士方方壺作平林遠水圖

數年霜雪滿頭顱  
那得出深築一區  
遠水平林在何處  
煩君更為問方壺

贈命士

青天去我幾萬里  
七政循環在眼中  
林下布袍今老矣  
向人猶更問窮通

題吉峯齋



青青千仞眺高空自昔誰名吉子峯無事開窓日相見老來那得與君同

寄李景伯

籬根黃蝶草萋萋樽酒相歡日未西尚擬岡頭秋雨足連床同聽鷓鴣啼

題潘宗遠歸隱菴

鍊師已是素隱者又欲結菴歸隱乎自為有身終有患從來無汝亦無吾

贈墨客

少年曾學煉松煤踏破春山幾處苔江上一瓢吾老

矣滿床風雨見君來

題齋壁

老去無營百事寬深山非客不成懽雖然寂寞無相待只作尋常店舍看

番禺仲公李先生文集卷之九

番易仲公李先生文集卷之十

七言律詩

次吳宗師見寄韻

學業區區老未成  
西樓松竹又秋聲  
雖聞夫子稱仍  
貫頗畏詩人笑  
屢盟山色有情真  
宿昔河流無潤謾  
平生白衣蒼狗成  
朝暮樓外看時眼  
共明

贈趙天錫遊青囊

紅黃木葉落未盡  
三月秋晴涼未寒  
重來已喜詩卷  
好久坐但愧酒盃  
乾郭仙乘氣必深  
會揚公救貧宜  
不難一節甚欲從  
子往奈此筋骨辭  
噴玩



次靜上人韻

高人何事來山館為學深知有本原浩浩黃塵俱是  
幻涓涓翠竹盡能言蒲團隨地若方樂竹簡窮年我  
自煩頗覺晴雲亦相語一時如蓋又如旛

和宗師溧京詩二首

徃徃聳人說上都白沙青草世間無千官擁駕雲朝  
起萬帳隨營雪夜鋪業廣殷周天所與興追風雅客  
難孤不知范蠡當時意獨官局舟老五湖

又

紫駝白象壯行儀但覺炎威日、微露透地椒清寶

仗風生天棘滿於旂金盤藹藹行新饌玉體脩、進  
袂衣自得仙吟因想像半生元不離門畿

敬次復齋先生鵝湖途中韻

全無放逸是明欽為學何須別用心江海不齊皆白  
水衡廬雖隔捲青岑俗情冉冉宜難拔晝景蒼、亦  
易沉頗恨當時無再會說同說異到如今

題國鼎橫舟亭

山居靜樂應無限何事新亭扁作舟江海未酬平昔  
願乾坤又覺古今浮蘭花的的開清曉桂子離離落  
早秋安得推蓬并立我一盃相與問晴鷗



和李唐經韻

秋葉經愁日夜飛小窓忽此玩瓊枝風雲有會雖宜  
早冰雪相逢政未遲笑我且求麋鹿友期君先到鳳  
凰池汙江錦水元非遠從此空荒得所資

贈徐德新

徐家世世生麒麟至今秋水為之神半窓只辨科舉  
業一跡不露闌闌塵忘年雖有此時舊中儔尚看他  
日新江上歸帆雖半月白沙紅樹最宜人

別徐典謨父

楊柳初青古屋頭晚風相過靜如秋只宜煮茗留談

咲豈意開樽作獻酬爾我兩忘方至樂帆檣將去忽  
離憂宦遊早晚知何地還肯移書告我否

奉寄劉總管塗山二首

泮水秋深士若林老松香桂晝沉沉唐虞斯世吾曹  
事韓范聯科太守心把酒屢陪風滿座挾書深愧雪  
盈簪近來沈約元多病湖上無因聽好吟

又

一自公來未幾時嘉禾瑞麥滿郊岐昏徒曉散庭無  
跡問卷春回路有碑負販久漫方歷歷徵書宜下且  
遲遲平生亦有桐江釣柳影蟬聲盡日垂



挽十七代仙姑

前身如在月中央金縷瑤環夢未忘  
磨饌已供仙府貴鸞封猶被國恩長  
碧雲萬里簫聲遠黃壤千年劍氣藏  
空使人間有懷愴滿山松柏兩浪浪

挽陳湖峯

秋風一夜到湖峯梁棟新推里閉空  
發廩不隨饑饉價訓兒長挹縉紳風  
道傍民俗廣車駐墓下碑文史筆雄  
尚喜有樓名聚遠客來千萬莫匆匆

挽饒國夫人二首

夫子娛親風盡心市甘何惜到笄簪  
同年生死緣誰

似從爵尊榮報亦深屬纊偶需歸遠子  
回天欲竭在囊金更窺慈慕無窮處  
久淚宜枯賸滿襟

挽邵主簿三首

河橋楓葉雨蒼蒼此老恢然忽已亡  
閭里徒聞習主簿衣冠真失魯靈光  
纂經讀史心雖在移石栽花興自長  
頗憶兒時過豈樂倚天青壁稱斷藏

其二

儒冠非腐復非癯裁製捨攘萬有餘  
未信山林真佚我祇緣州縣更勞渠  
黃泉可作雖無術青佩相傳幸有書  
累世箕裘分付了不妨霄漢五雲車

其三

娟娟疎竹護層樓昔歲從公飲上頭方喜老來猶善  
飯豈知夜半不藏舟文章深粹推南渡倉庾艱難念  
此一曲闌干九秋色重來恍倚淚橫流

餞張經歷

番水芝山歲月流幕中何負漢留侯文書堆案眼如  
月寮屬滿堂心似秋別酒偶逢黃菊晚歸筇應與赤  
松遊但疑昭代尊三老或有蒲車到舊丘

餞王尹美任

此地難留葉縣鳧甘棠春影日踈踈臨民豈但三尺

法秉筆多由萬卷書饋粥有田宜往役吏胥無迹等  
安居烏臺薦剡聞交上擬近他年使者車

挽夏公德脩巡檢

生死雖云不二觀林塘風月總憂端營邊早已勤三  
策馬上聊從試一官賓閣尚餘梅蘂煖棋枰空傍竹  
枝寒穿碑勒在靈山下留與他年仔細看

挽羅秋壑

疇昔詩書共阿傳知公精力正鮮然十年欲展林間  
拜一日驚成地下仙孟叟不窮知有氣鄭虔雖老尚  
餘瓊從今忍放樓西眼六六風寒倚暮煙



次子勉韵三首

姓高臨川珠塘人亂後甲午年因避地于彼七月終大山乃絕筆之作也

賊巢遠近未全降辛苦移家隔一江客意皆春常滿  
塵山光如水欲浮牕尚思虎旅携三百敢望牛蹄覬  
隻一臨汝只今多義士同心驅捍勝吾邦

其二

蛇虎縱橫二載餘偷生于此計何疎俗情只欲分茅  
土國士終當顧草廬留世但知瓶有雀携家敢嘆食  
無魚試看何氏新園裏種菜墻根已藹如

其三

疲馬常思捲旆旌如何處：尚屯兵為邦喜有漢三  
傑習禮慚無魯兩生雖則風沙成晝晦終期河漢向  
秋明買牛負耒歸鄉里沒齒簞瓢亦已榮

次何允升韵

山青水白自深深誰謂桃源不可尋一日鄰人方命  
飲十年故友忽相臨遭時政共干戈際款語聊同竹  
樹陰幸得斯文天未喪秋風盃酒尚論心

題陳主簿德驥殺賊詩卷

逢時如此老駸駸避地來遊汝水潯鼠雀但知穿屋



易虎貌何擬在山深一時將帥開青眼千載鄉閭戴  
赤心畢竟元龍豪氣甚難兄難弟總南金

贈別國祥陳山長歸溫州

梅花風雪在師門尊酒相逢氣甚溫盛世文章須屢  
見清燈懷抱未深論每疑燕闕風雲後亦喜徐岩九  
席尊歸去有人談理學天高地下此心存

贈別李教諭仲祥棄官歸侍親寧國

學官未去幾匆々敬慎如君亦罕逢廩給未能酬素  
志門垣行已卒前功一瓢雖覺時緣少四座寧無士  
論公歸去正當秋桂發揮香娛飲百年翁

贈胡教諭伯瑜官滿歸上饒

耆德能安一席涼二年倍講借餘光教尊瞻視門垣  
壯禮盛春秋俎豆香麈尾清風方未厭馬頭紅葉竟  
何忙聖明天子頌儒雅三送區區且更荒

贈陳士周赴鄉試

君家東閣書連屋憶得前年為賦詩師友講明今已  
久賢能興起固其宜省闈落筆秋湖壯御榻傳名書  
影移我以親年方喜懼國恩頌報未為遲

次閑閑吳真人贈溪月真人奉旨求賢韻

明良相際建鴻猷風馬雲車遍九州草野與聞蒼玉



佩闕山慣見黑貂裘長懸高士陳徐榻同泛神仙李  
郭舟頗笑當時老工部拂衣猶自羨滄洲

又

絳節真人下五城朔風吹鬢欲星星已窮粟里幽人  
徑定到王官隱者亭千古麒麟開漢閣一朝鸞鳳集  
虞庭聖恩滂沛今如此未信遼東老管寧

贈倪照磨之任

掛琴收劍及江頭白水清烟望去舟此意不忘如不  
別有詩相寄即相求省闈開幕網維重經術傳家器  
識優想見南樓他夜月一尊端復念鄉游

贈人赴宣城下邑主簿

使家上府勢如山佐邑趨承事最難但守至公為主  
本莫憑盛氣作波瀾多財臭腐我何用同類扶持義  
所安見說當時謝太守詠觴遊覽只清歡

挽葛吉甫妻劉氏

北堂春日正遲遲一夕秋風換彩衣用足尚聳公母  
續教嚴如翦孟家機鳶孤太早人同惜鮭養無違世  
亦稀想見隔溪埋玉處老松荒草暮雲飛

題積烟山僧房

積烟山上雪窓寒到得應知得到難碧嶂坐來三界

蘇眉文集 卷十  
小白雲歸去四鄰寬道人問訊行秋早童子收經立  
夜闌竹葉稻麻俱佛法咲渠死殺靠蒲團

送吳存恕遊宣城

柳花蘆笋客開舡獨立平沙欲悵然蘇季但游終有  
印鄭虔雖老竟無鑪重湖風景年年好憲府公卿往  
徃賢早晚秋空一鷲上不妨林下白頭眠

題樟南閣

曩年冰雪何其酷到處豫樟皆折禿吳家一株三百  
載老葉至今青藪：面之有閣開八牕詩書白晝南  
薰長土深根遠耐寒暑閣上主人如此樟

次何高士成道韵二首

許我重來意甚真山林城郭路由分十年共憶青燈  
舊一日相看白髮新促席未銜盃裏月携劍先割隴  
頭雲臨流儘有西風便杖屨終當逐後塵

又

豈煩嗜酒見天真自是平生雅俗分我以避人成齷  
齷公能留白獨清新何由窓下縻紅日未了山頭望  
白雲尚賴懸河千斛水一澆胷次舊泥塵

立春前一日示大姊二首

明知此事是多來爭奈堂堂暮景催血氣每疑當未



疾東編終喜共群材  
忘憂空對庭前艸  
索咲惟尋屋後梅  
莫怪生涯同死水  
已將心念比塞灰

又

自憐家世一書囊  
彈缺區、客舍涼對食  
不知滋味薄立身  
惟覺應酬長半生  
豈有餘筐篋十指  
纔無乏稻梁石槨  
桐棺皆已了敢將  
毫髮累郎

題雲臺真館

老僧褰裳過水去  
童子操篙風打船  
欲暮沙村更踈雨  
天成窓下白雲眠  
黍鷄見代元無約  
針芥相投信有緣  
料得清溪尤愛客  
竹根同坐釣絲舡

挽倪公溥

錦水東來嗚咽聲  
傷推喬木盡凋零  
孔堂俎豆思耆舊  
洛社衣冠失典刑  
種善長留人頌德  
承家已有子傳經  
自慚無由達忍為  
先生寫誌銘

艾氏春雲亭後挽許君度

攝亭石上號春雲  
未老安閒孰似君  
十里松杉青作障  
一陂鳧鴈錦成群  
開樽對客心常足  
抱甕尋花志不分  
况得青城老學士  
山暉堂記四方聞

送吳秀才入京

一時文翰節婦事  
萬里冰霜孝子心  
風教森森真大



義公卿濟濟足知音驚波久落黃河岸草竊潛消綠  
樹林楊柳九衢皆喜色不須多慮杖頭金

挽饒國夫人

承夫教子豈徒哉紫誥金花特地開鹽米豈曾知爵  
齒酒漿何止及輿臺劍光北斗成雙化翊影青山見  
再來翁媪此生無可憾後人慈孝自興哀

題張若無卷石齋

十年山石自玲竅一日堂前眼獨明但覺軒窓皆古  
色豈容朝暮少書聲誰同處士秋長醉我笑將軍夜  
有驚倘肯他年分半席拂雲帶月共平生

挽待制周南翁

早由稽古獻蕃容遊歷深嚴副所蒙頌德久刊王屋  
上政聲新滿九華東君恩疊々方求舊友誼森々遽  
託終何老可寬慈母念眼明護鳳起秋風

代馮開先作挽

自愧癯然一晚生前年叨結外姻盟徒從貳館開風  
度不及高堂拜老成赤鳳競飛雲霧潤蒼龍獲沒斗  
牛明靈車早晚霞山道松葉梅花涕淚橫

代吳仲師作挽

辱在姻盟二十年叨陪樽俎幾歡然赤霄尚擬聞鳴



鳳白露何知作蛻蟬鄉杜縱無人似棟墓碑猶有筆  
如篆素車明日之何處一片孤雲細雨邊

次盤所叙自貴溪池寄觀唐叔韻

拂雲蒼翠九華山拄笏相看亦未難但使箕裘家業  
在不妨冰蘖道心安推敲此日猶成句鏤鏤他年高  
據鞍見說西湖歸棹穩蓮花如玉照春盤

挽吳若川二首

紫陽山水甲江東宜此郎君敏且通老子宦遊真有  
助吾曹清事每相同追隨別去纔旬外变故傳來豈  
夢中莫遣彭殤異悲喜古今如此一匆匆

師門初識喜充然肉重還疑骨相偏中壽縱難如蹇  
叔早亡何擬過顏淵豈無燦：留編簡未有呱：泣  
几筵旅殯欲知何處是上清橋外竹林邊

贈別楊秀才赴真揚二州打捕提舉司都目

錦江重會各蒼然別夢驚回二十年虞府已需君入  
幕詩壇又笑我無瓊瓊花月冷看騎鶴玉盃春香取  
猷豳此去帆檣千里近封書到得故人邊

贈別王用亨之京

初跨中原萬里鞍雪花風葉兩漫漫欲朝天子黃金  
闕且侍宗師碧玉壇學道豈無新夢破讀書宜有舊

燈寒莫將出處殊心志他日歸來好共看

番易仲公李先生文集卷之十一

七宮律詩

贈治中子赴都承襲

一曲驪歌把酒頻馬蹄輕踏軟紅塵名家固喜有能  
子上國猶知禮舊臣去日菊菜烏帽若歸時楊柳綠  
袍新太平天子方臨御遠業宜君未壯身

贈吳主簿美任歸紫陽

汪侯疇首在我番聞說才名亦已多每恨幾時瞻  
屢偶逢鄰邑佐弦歌忘懷對客誰能似敷政宜民頌  
不訛歸去紫陽如有問錦江春雨舊漁蓑



挽陸氏夫人

義門積慶至今餘華屋盤匝晚更娛不與藁砧齊白  
首得看主器到青都周家掄狄恩非遠潘令安輿事  
忽殊洒盡南風幾行淚玉簫丹鳳已雲衢

謝陳又新

滿空霜露菊瑳々疋馬重歸錦水阿但覺交情如昔  
好不知老色是誰多黍苗織席來東海松葉燒煙出  
爛柯甚欲追隨報獲貺五雲飛去奈君何

挽裴與通

裴家楚々舊衣冠說到平軒益可觀尚德豈殊三事

貴遠游寧博一丘安年非耆艾人同惜死不倉皇理  
亦難况有好書三萬卷滿樓留與子孫看

挽汪子盤二首

道士來從南海邊客齋聞訃淚如泉一官稍欲酬蓬  
矢九死何知在瘴烟易箒併無童子燭歸棺猶載有  
司船向來簡墨收成束竹几松窓幾黯然

又

畫船楊柳驛門前政此山深擁被眠江海桑榆寧幾  
日神仙歸鶴竟千年輶車有子能扶護封兆何人紀  
祖遷共慕諄々鄒魯俗從今懷抱向誰宣



代挽艾君慶

閭里交游二十年君家日大我蕭然庭階坐見芝蘭  
長館塾時叨俎豆聯嘯月尚祈尋老友乘雲何擬作  
飛仙慈親耄耄猶嗟季此事人間最可憐

又

先親疇昔客門墻省覲時陪俎豆光君子肥家真有  
道神仙延命竟無方鳳雛一一隨當戶鶴髮垂垂更  
在堂明日青山作新塚通家誰覺倍沾裳

張固山挽詩

孤標早已離塵緣教盛師榮豈偶然嘗逐仙班趨禁

覲屢承天語到山泉春園正擬騎馴鹿秋葉何知作  
蛻蟬淒斷西窓老賓客十年懷抱酒樽前

贈醫者劉存誠歲晚歸城中

早歲癯然謾學醫十年分力謝枝歧疲癯雖覺皆我  
病捫摸何能免自欺舒子老成游地下何郎精進走  
京師君今賣藥居城府苦學森々有未知

次汪府判見寄韻

長松高竹舊郊居四壁雖涼興每舒奇氣豈無題柱  
筆俗情多有絕交書袁安冷落唯高臥杜甫鬢鬆且  
倦梳誰更似公身末老官間贏得遂吾初



次韵吴宗師沛縣舟中見寄

梅花如粟已知春  
筴此支離一病身  
豈意雲霄珠履客  
未忘鄉井布衣人  
歌風臺下舟航穩  
擬剡亭中翰墨新  
却怪青蓮老居士  
銜杯方始見天真

送楊宣尉入京

播南宣尉去朝天  
述職安邊禮數全  
劍履載瞻新日月  
旌旄渾識舊山川  
精銀名馬嚴方貢  
上酒肥羊飽御筵  
盛代君臣義如此  
生民何地不歡然

別朱教諭歸故鄉

來時喜得故人書  
冉々三年昨日如  
盛世功名期子

大深山齒髮笑吾疎  
掌中夜月連城價  
堂上春風五綵祛  
如此宦游真不惡  
故園松菊莫躊躇

春贈張天師承詔趨朝

纔讀天邊色書綵  
便登河上紫雲車  
神靈萬里同奔走  
道德十言自卷舒  
夜席定知承祕問  
春臺行見得尊居  
無由得傍金門外  
月冷河明聽步虛

春贈舒真人代祀三山還朝

山田席上茱萸酒  
數別匆匆十二年  
秋月襟懷公似昔  
春雲才思我非前  
辭家久在金門客  
代祀親逢碧仙鄉  
黨交游正傾倒  
又騎孤鶴上遙天

贈方縣尹赴獲鹿任

中原民俗猶淳厚，愿平易其心可近之人。已古來非兩  
事律情，今此或分歧。彈琴宓子良，知本書陽考。城豈  
是癡它，日國朝循吏傳。眼中眼，中非子更期誰。

贈祝汝城赴綦江等處儒學正

綦江之上擁臯比，元帥憐不况荷。知自是明時方有  
教，豈同先聖欲歸夷。人民溪洞黃茅遠，行旅弓刀白  
晝疑。風物寧無新句及，倚闌長望鴈回時。

挽鄧卓峯

碣石相逢一夢空，談諧清潤昨朝同。引年尚可借拘  
杞，療疾何知乏鞠窮。行已此生非碌碌，視天它日豈  
憂憂。一峯卓爾知何處，長望雲林煙雨中。

送倪東江之上元縣主簿

沙頭煙際挹征襟，嚼盡梅花出短吟。鄉黨又成千里  
別，功名聊盡百年心。東南形勢風流遠，吳晉山河蒼  
莽深。此去吟邊有高邁，客樽應與尔同斟。



題菊隱

河漢橫空白雲流碧叢黃蕊共悠悠誰人不慕陶彭  
澤舉世難忘陳太丘籬下尚餘千古意樽前已了一  
生秋平居縱有相看的更待他年雪滿頭

次韵送邵文度赴省試

早歲天香一折秋宜將勲業望伊周光飛彤管三十  
字喜動紅雲十二流上苑錫筵人入畫禁城傳詔馬  
如流相知有問盧仝者紗帽蕭蕭正在頭

謝陳真人惠高麗席柯山墨

滿空霜露菊瑳々足馬重歸錦水阿但竟交情如昔

日不知老色是誰多黍苗織席來東海松葉燒烟出  
爛柯甚欲追陪報雙貺五雲飛佩奈公何

送趙伯容歸浙

武林楊柳舊依依々甲第樓臺有是非莫道天涯龍已  
化但看雲際鶴還歸雙親榻上清風枕五帝坛前白  
羽衣隸古尚餘西漢筆從今宜近玉堂揮

寄吳宗師

邑南最好是山田碧石清流每扣舷按地如龍知幾  
々里近天歸鶴尚千年封培巧在仙瑩左遊釣難忘  
某水邊此去桃花政無際不須重問武陵川

又

萬里仙人白羽衣  
雲幢風蓋幾高低  
逢時故欲寸心  
盡能事何由十指齊  
不信檻湖狂始得  
要聞夔府老  
多題况傳洲島皆  
竊骨應留與杖藜

胡氏園趣亭

涉園自是前人趣  
令子于今更勿忘  
春雨未多松葉  
嫩南風才發  
豈花香董生好學成  
書癖陶令能詩帶  
酒狂何似君家不  
獨樂每留佳客共徜徉

胡氏栢友亭

世間可友豈但栢君  
獨與之心若何  
氣摩雲漢眼中

少力傲雪霜人所多  
丞相廟前鬼神會  
拾遺岡頭蟻  
蟻窠争似胡家亭  
子上撩風架月共吟哦

次静上人韵

佳吟妙筆何兼  
既淡味悠長  
未有原但見中山  
須得  
傳宣知彭澤  
久忘言簡編  
蛇蚓終相負  
篋笥蛟龍敢  
或煩志在青山  
最深處不勞  
招引用旌旛

哭顏一初

小車會過草堂中  
願學森々此意同  
交義素隆因有  
疾醫方多近  
遂無功倚門雖恨孤  
重母就傳猶憐見  
二童脩短不須頻  
入念古今如此一  
匆々



賦饒元可小隱新居

如今依舊竹成林，桂樹梧桐處處隱。  
好尚未忘書脈，遠艱難相語酒杯深。  
籬根白露秋花面，階下東風百草心。  
一日高堂拜遺像，幾回歸去淚盈襟。

次韵心道同遊方盤見示

千仞孤峯插夕陽，數家亭館在平岡。  
山川登覽寧無數，杖屨追隨賸有光。  
竹下論文心共苦，菊邊呼酒興何長。  
重來欲盡平生語，莫與它年更品量。

哭陳仲剛

自是藍田玉樹煙，操觚早立鳳池邊。  
宦遊稍欲酬初

志，課最何知屬莫年。  
松菊滿山方入夢，雲霞連海遂成仙。  
承家賴有河東鳳，毛羽皆當近九天。

其二

往年漕運九華歸，一舸相遇慰別離。  
窓下酒酣題好句，寺中茶罷讀殘碑。  
生平出處雖云異，未往風流政未遲。  
今日扣門非此意，蚊蟬高樹不勝悲。

其三

燕雪溼雲早奮飛，湖南去後海東涯。  
世人只向蠅頭老，志士何嫌馬草歸。  
三迳雖荒惟莞爾，九原不作共淒其。  
淮西憲使如椽筆，還為幽局時一揮。



送汪伯羽游金陵

自是深山玉樹明一舟今向石頭城  
風煙道上非遊覽霜雪臺邊欲老成  
教藝豈無候令史談經更有閔先生  
滿街柏<sub>二</sub>春壺酒千萬逢人莫屢傾

送倪季成一如說

倪君宿昔真才傑種杏滿林頭欲雪  
養心似到一如如寄語從予求解說  
我今衰老舌本乾掘地為鑪蒲作團  
君能它夜肯相過共煮苦茶三月寒

和荅邵菴虞學士韻

自笑深山鬢已華東籬每<sub>二</sub>負秋花  
居貧只合師原

憲低貴皆緣慕左家春雨綠簑身有分  
秋檠黃卷事無涯太玄賴有楊雄草幾  
向松牕與客誇

題趙氏欣榮亭

見說龍岡趙達卿作亭池上號欣榮  
繞擔草木皆生意堆案書詩豈俗情  
燕享尚餘公子氣品題何用老夫名  
南豐幸有羅君說它日同遊賦始成

寄香爐寺安上人

香爐峯下飽曾經沙水冷<sub>二</sub>竹樹清  
喜有深雲藏古寺愧無清興謁高僧  
平橋楊柳還堪過瘦石莓苔每倦登  
野居他時脫粟飯闌干應得夕陽凭



謝傅總管三首

皂蓋翻、立曉風時來湖上素王宮清聲自昔聞江  
北善政于今冠楚東勉勵豈惟千里計作興真有十  
年功他時累、高科者盡出君侯化雨中

其二

大比賢能處、興安仁雖小錦雲祿連科未覩天荒  
破識當新回萬象靈况有黃堂均鼓舞豈無金榜繼  
飛騰老生欲向西風說肯為吹還兩鬢青

其三

風音郊闕一老農強顏聊可及童蒙豈堪較藝簾帷

下祗令留心句韻中眼底觀書渾似霧齒根遭物動  
生風若教與秉春秋筆冠蓋如麻負至公

送吳以善遊京師

龍虎山前挹秀姿片帆今欲向京師為逢四海平承  
日不 雙親老大時獻策致身雖早、擊鮮為養未  
遲、新年多病無由別空望江邊柳樹枝

挽李真人盤中

與宗盟每自然抱琴况復在賓筵大瓢幾配秋空  
月細茗常烹夜澗泉石室已招丹旆起草堂方擁布  
衾眠區、豈敢論交際默數于今四十年

又

旌旌今與白雲飛  
谷口泉甘土自肥  
遼海但能聞雀  
語函關終不見  
牛歸玉棺寶劍  
千年了碧館瓊  
臺萬事非  
最瀛洲老伯仙  
幾多涕淚一時  
揮

次韵江潮海

客來即與共青纏  
謀築荒山野意  
全門外定栽  
苑似錦繞簷  
還種竹如椽  
一區白屋隨  
吾分千載青  
囊見子傳  
寄語靈泉李  
兼善肯來宜  
在菊花天

次閔之吳宗師韵

應醉馳驚百無成  
愛客須分實與聲  
君似遠公邀共

社我如高固盍  
遙盟抽心括胃  
非能事問水  
尋山足此生  
不看西樓松  
上月多情偏  
照鬢間明

番禺仲公李先生文集卷之十一





